



17. november 2008

Inatsisartut Suleriaasianni § 36, imm. 1 naapertorlugu matumuuna Naalakkersuisunut ataani allassimasunik apeqquteqarniarpunga:

Inuussutissarsiutigivillugu piniartut pillugit Naalakkersuisunut apeqquteqaat
(Inatsisartunut ilaasortaq Jørgen-Ole Nyboe Nielsen, Demokraatit)

Tunnqavilersuut

Inuussutissarsiutigivillugu piniartut maannakkorpiaq qassiuppat aamma Naalakkersuisut ukiut tallimat aggersut ingerlaneranni taakkua amerlassusiat qanoq allannguuteqarumaarnersoq naatsorsuutigaat?

Inuussutissarsiutigivillugu piniartunit taakkunanga inuussutissarsiut taanna aqutigalugu qassit aningaasatigut naammattumik isertitaqarnermikkut qulakkeersinnaavaat taamaalillutillu pisortanit aningaasatigut tapiissutinik ikiorserneqarnissartik pisariaqartinnagu aamma Naalakkersuisut ukiut aggersut tallimat ingerlaneranni taakkua amerlassusiat qanoq allannguuteqarumaarnersoq naatsorsuutigaat?

Inuussutissarsiutigivillugu piniartunit takkunanga inuussutissarsiut taanna aqutigalugu qassit aningaasatigut naammattumik isertitaqarnermikkut qulakkeersinnaavaat taamaalillutillu pisortanit aningaasatigut tapiissutinik ikiorseneqarnissartik pisariaqartinnagu? Tamatumani aningaasartuutit qanoq amerlatigisut pineqarpat aamma Naalakkersuisut kisitsisit taakkua ukiut tallimat aggersut ingerlaneranni qanoq allannguuteqarumaarnersut naatsorsuutigaat?

Aammattaaq kissaatigaara nalunaarutigineqassasoq, inuussutissarsiutigivillugu piniartut piniarnermik inuussutissarsiummik inuuniuteqarsinnaanngitsut qinigassaanik naleqquttunik qulakkeeriffigineqarnissaanni Naalakkersuisut sunik suliniuteqarnersut, taamaalillutik taakkua isertitassatigut periarfissanik allanik qulakkeeriffigineqassammata taamalu pisortat aningaasatigut tapiissutinik ikiorsiinissaat pisariaqartinneqartoq annikillisinneqarluni. Kissaatigaara ukiuni aggersuni tallimani pilersaarutigineqartut nalunaarutigineqassasut.

Apeqquteqaatinnut akissutit tiguneqarnerminninngaanniit kingusinnerpaamik ullut suliffiusut qulit qaangiunneranni akineqarnissaat piumasaraara.